

壺隱集

共四

亨

55638
3826
v.2

BERKELEY
LIBRARY
UNIVERSITY OF
CALIFORNIA

Carpentier

壺隱集卷之二目錄

詩

燕行錄

宿坡州

慈秀玉溜泉次書狀韻

瑞興夜咏玉溜泉

又用前韻咏雪

到鳳山

到黃州次金大諫仲和昌協別正使韻

鐵山車輦館次東岳統軍亭韻寄灣尹李得甫

又次述懷

到義州留四日

鴨綠江呼韻

宿九連城

松站

通遠堡

草河溝次正使韻

寺洞

高嶺

韓尚書塔

青石嶺

華表柱

到瀋館留一日思鄉八歌

寄灣尹李得甫

永安橋

周流河贈郭朝瑞

遼野次正使韻

新民屯次正使韻

古城子次正使韻

歷一板門二道井

廣寧衛

松山杏山

寧遠衛

山海關

贈谷韜臣

玉河館

元日立春

人日書狀小酌呼韻

次乃心韻

燕都八景次清陰韻

上元日呼韻

移居隆福寺

呼韻

贈正使書狀要和

次正使韻

通州

薊州咏卧佛

豐潤

留山海關

謁顯忠廟

東關途中

寧遠衛

小凌河途中

十三山途中

醫無閭

小黑山

周流河別韻贈郭朝瑞

瀋陽

遼東

余到安陵權君敬持為主倅李說之李警叔適

遊此地關外萍蓬便成勝集呼韻各賦

次順安鳳棲館李得甫韻

錦營錄

將赴錦營辭 朝日與嶺伯李季泉崔汝和李

季心金子懷洪福會畿營聯句

贈別洪士中萬選仍示諸使君要和

次連山尹使君世遇韻

次都事金天用致龍韻

送李負外仲剛健命北還

送都事之京

呈都事

次韻贈別咸平李使君士常彥經南歸

九日巡到全義次東岳韻

忠州客舍次東岳韻

丹陽舟中次鳳樓樓東岳韻

文義客舍次東岳韻

到報恩俗離登水晶峯與諸使君唱酬

暮還山寺更賦前韻

還營後次寒碧樓韻送趙寡悔敏行

瑞山御風樓次壁上韻

沔川伴月樓聽遂次壁上韻

到大興次洪奉事萬宗韻贈趙佐郎泰老

次前韻

和沃川崔使君汝久錫恒寄韻

次贈俞士安之基燕寄俞文甫

次連山使君韻

宣化堂聯句

次前韻

次宣化堂東岳韻

拱北樓次西垞柳公韻

次韻別諸使君

咏水川柳老人小池石假山

壺隱集卷之二目錄

壺隱集卷之二

燕行錄

乙亥以冬至副价赴燕正使李公世白書狀崔乃心啓翁

宿坡州

昨隨冠蓋出城西惜別朋知手共携猥忝使星持玉
節幸陪卿月奉金泥誰憐朔北行將遠不忍終南望
漸迷前輩同槎今欲效強排詩律醉餘題

葱秀玉溜泉次書狀韻

三神太遠九華少葱秀之山無等夷曉來微雪工粧
點半露真形信絕奇

瑞興夜詠玉溜泉

向晚扶筇渡石缸，閑窺巖竇玉溜淙。
留名字刻朱天，使記實詩傳鄭北窓。
氣爽可從瓊液並，味甘堪與酒泉雙。
今夫勺水龍應在，早歲成霖活我邦。

又用前韻咏雪

曉埋前路不分缸，浙瀝寒聲雜澗淙。
才女誰家吟柳絮，釣翁何處睡篷窓。
名花爛發渾成六，白壁交堆不似雙。
盈尺已看能表瑞，明年豐熟賀吾邦。

到鳳山

七日驅馳鬢欲斑，客行其奈漸辛艱。
洞仙已去空留館，鳳鳥何歸只有山。
歲暮酸風吹射眼，天寒亂雪擁柴關。

侵顏中宵默算明朝路大嶺岩巖不可攀

到黃州次金大諫仲和

昌協

別正使韻

遙憶江湖一釣翁十年顏對夢魂中
宦情易逐秋光薄幽怨難隨歲律窮
君意不移堅似石我行云遠轉如蓬
偶因宗伯看題贈欲和希音愧下風

鐵山車輦館次東岳統軍亭韻寄灣尹李得甫
歲暮天寒雪未晴客行行盡短長亭
出關水是西流勢臨塞山皆北走形
夷夏百年同一局乾坤萬古等雙萍
書生遠役緣何事看劍中宵憶丙丁

又次述懷

朝來喜見朔雲晴明日共登江上亭作別幾多曾入
夢相逢宛是舊忘形陽生半夜添灰管人到他鄉等
水萍此會已知天借便休將伐木詠丁丁

到義州留四日

客路征驂何處停故人邀我統軍亭江烟半雜邊雲
黑山靄多從虜地青異域啣綸羞古月明朝分袂歎
晨星樽前何幸鍾期遇一曲裁洋側耳聽

鳴錄江呼韻

仲冬冰凍鴨江波馬首愁雲日暮多官妓且休呈楚
舞祖筵端合用燕歌固知蠻貊可行矣將奈關山難

越何莫道茲遊無所得伯夷清節挹潞河

宿九連城

江頭車馬送燕行杯酒留人日欲傾客路初經三大
水征軺夜卸九連城衣縫已綻知風入帳隙時開見
月明想得一家團會處遙應說我此時情

松站

山雲河水欲暮天數村何處夕炊烟荒涼院宇曾迎
地莽蒼城門舊鎮邊騎馬技能從十歲牧猪生理送
長年所嗟對面欺無力近夜偷兒滿眼前

通遠堡

是日乃心生略具五酒
三人會于一處作詩題之

行臺初度是他鄉草草杯盤孰主張生我的勞恩欲
報慰君孤露語還長莫嫌機路身千里已遂素弘志
四方也識明年今日在更成何處此逢場

草河溝次正使韻

蒼茫何處草河溝流涕先王一曲謳尚有當時能
盡否凄風冷雨愁堪愁

寺洞

山木陰陰石路通洞名知有梵王宮雲深萬壑尋無
處疑聽鐘聲落遠風

高嶺

高高高嶺試攀援危棧懸崖欲折軒當日蜀丁開鳥
道何年禹斧鑿龍門白山氣脉雄爲祖青石青石嶺在前
峯巒列若孫莫恠我心無所動方之世路即平原

韓尚書塔

在甜水相望地

何代尚書葬草萊更無香火歲時來空山塔廟留陳
跡今古浮雲幾劫灰

青石嶺

山壯方知馬力單巖牙况復劍鋒攢曾聞百二秦關
險今見三千蜀道難嶺上白雲故國遠洞中青石常
風寒先王當日經過地欲作新圖拭淚看

華表柱

令威舊事未分明千載始歸何所營縱是去家學仙術只應懷土似人情蓬科滿目皆新塚桑海驚心尚古城倘使弟兄能邂逅金華不及牧羊平

到藩館留一日思鄉八歌

有客有客字九言半生行役髮霜繁佩符遙窺黑龍派棄槎欲窮銀河源以茲骨肉團會少離別安能不銷魂嗚呼一歌芳歌始發寒日荒荒下塞門

有姊有姊病在床別時相對淚浪浪獨子官至大司寇生得五郎福無疆如何一疾久未瘳令我日夜不

能忘嗚呼二歌兮歌正苦塞天歷歷愁雲長

有嫂有嫂年向衰我兄早亡有兩兒大兒將母在堂
中小兒隨我來邊陲憶弟幾勞看雲眠望子應多倚
閭思嗚呼三歌兮歌正長飛雪颯颯悲風吹

有姪有姪其數九或在鄉曲或京口早失嚴父父事
我我欲鞠養力何有工夫正在安靜裏書卷休拋離
索後嗚呼四歌兮歌正哀羌笛蕭蕭怨楊柳

有兄有兄有從氏四爲大夫一爲士大夫常祿尚可
賴士固貧者飢欲死每憶田家桑歛段猶勝馬援在
交趾嗚呼五歌兮歌正悲塞鴻杳杳邊聲起

有弟有弟有弟二一作持憲一作宰清時納約任責
重荒歲分憂須政義池塘夢草正此時風雨連床更
何地嗚呼六歌兮歌正高塵埃漠漠邊土紫

有女有女年始三爾身何不變為男今年經痘能學
語別時牽衣情若含一勝十子非敢望見汝成人
心所甘嗚呼七歌兮歌正思小燈耿耿愁不堪

有子有子年始六爾身何不生於嫡渠母教字頗能
解倘爲文章尤可惜衰遲自可扶持賴慈愛何曾貴
賤隔嗚呼八歌兮歌始終歌罷茫茫悵獨立

寄灣尹李得甫

關心鶴野悲長路回首龍灣似故鄉
會待江樓花未落綠搏紅妓載沙棠

永安橋

人工殫盡鬼輸奇結構年來利涉宜
河飲鰈鯨形偃塞石成烏鵲勢紫差壯心
已愧初題日歸路應憐再度時誰把
永安留二字忿忿恨未看殘碑

周流河贈郭朝瑞

此人即吳三桂之臣謫居於此

憐君計活尚風飡豪氣如今半已殘
誰識官衙三品峻不堪棲息一枝寒
十年漠北身全老萬里雲南夢亦難
相國爲公勤致意逢塲頗覺客懷寬

藥泉南相公款待朝

瑞故郭每有書信余
行相公亦使邀見

流水西流去不留纔經八渡復三流
今來又見周流號行者如斯幾日休

遼野次正使韻

北來一水此三周遼野東西地盡頭
唐帝親征應記得漢軍全沒亦知不
更無鶴影歸丁柱誰打鷺啼夢
戍樓若變茲河銀作浦乘槎吾欲問
牽牛

新民屯次正使韻

聖人曾憶九夷居苟欲新民德有餘
童子不知華夏變皆將大學讀窮閭

古城子次正使韻

數店孤烟何處村馬鞍和睡不成痕
晚來靜聽郵人語明日應過一板門

歷一板門二道井

自發遼東路居然六日回黃知大野
盡青愛衆山來荒店板門掩孤村
井道開院雖無宿價冷落亦堪吟

廣寧衛

關防建置自皇明形勝曾稱舊廣寧
能占域中都會地所居天下最精兵
開張遼野羅三鎮控引巫閭作一城
移揭店名緣底意只教迎送遠人行

松山杏山

烟臺處處認防秋
松杏山皆屬錦州
死敵骨寒邊月照
離鄉魂結塞雲愁
星光鶉野天應醉
地小鯢岑國有羞
從古興亡關氣數
偷降妖孽豈容謀

寧遠衛

寧遠形便壓塞垣
問誰爲將鎮雄藩
漢家帶礪承三世
秦地金湯屬一門
始擬祖生能雪恥
那知衛律竟辜恩
石樓銘鏤鋪張過
應愧重泉未死魂

山海關

第一關臨萬國東
閭吞遼野勢無窮
金湯設險思秦

帝玉塞爲城仰魏公天入陰山雲易黑地隣陽谷日
先紅防胡計策終何賴我輩空勞使价通

贈谷韜臣

豐潤谷韜臣者稱以秀才以富者新構甲第
令人眩目坐我於一內堂而爲接我入除其
炕制房舍一如我國西來始見也俄進盤果
薊酒澄濃又進花礮盤辭而不得仍爲乞詩
甚勤他無詩料有一子頗賢矣

知君自是好風流携我同登第幾接地近玉田生有
子家傳金谷富傾侯樽盈竹葉留人醉遠弄梅花送

客愁滿壁圖書看未了來時更擬寶籤抽

王河館

虛館寥寥蠟燭灰客心何事轉悲哀殊方既異丁年
使此地還逢丙歲迴眼到今宵無睡看魂歸故國莫
招來遙憐骨肉團圓處誰把屠蘇後飲杯

元日立春

每歲立春寒尚嚴今年元日立春無春華豈使衰容
改歲色空教暮齒添帝里綺城窮壯觀朝儀寶座異
曾瞻思歸感古羈懷惡王事從今幾日淹

人日書狄小酌呼韻

異域驚心物色新，烏蠻館裏未歸身。
無端客歲三韓使，又值王春七日人。
栢葉豈徒傾美酒，柳枝將欲送行塵。
遙知璧水頒柑地，變化魚龍在此辰。

次乃心韻

何處并州是故鄉，鴨江回首意偏傷。
客星犯斗槎河遠，人日啣杯栢葉芳。
二月欲東余馬首，萬山重上幾羊腸。
自慚王事成何事，行役空隨歲色忙。

燕都八景次清陰韻

石老荒臺蘚髮明，夕陽今古世無情。
燕功五伯誰曾及，駿骨千金不復生。
斜入薊丘

昭王所都

籠瞑色，低侵易

水

金臺所在

咽寒聲曜靈不管興亡事虛照昭王一片瑩

昭王塚在王田無終山

右金臺夕照

十里橋邊月滿沙偏臨一帶小黃河纖雲捲後微昇

塞萬籟沉來靜印波夜氣漸闌看杳杳曙暉將射覺

娑婆行人早起桑乾北鴻鴈新霜曉色多

右盧溝曉月

危崖峭壁望中懸從古重關自護燕劃建洪樞同九

塞

淮南子曰天下有九塞其一居庸

迥臨荒服儼三邊龍還紫氣曾

經地鳳舞青山半落天剛喜坤靈知客意故教蒼翠

映樽前

右居庸疊翠

龍池水暖戲禽魚像想人工巧鑿疏繞轉海中瓊島

後更移天上玉樓初

池中有瓊華島廣寒宮

縠紋細蹙風恬處

明鏡新磨雨過餘靈沼子來那復見有時垂淚掩鄰

書

右太液晴波

句芒用力轉三丘雲傍瓊華五色浮宮仗徐移開雉

扇爐烟細雜近龍樓度城懶逐春風散出岫閑教洞

府幽佳氣即今何處住夜來星彩見梳頭

右瓊島春雲

雪後西山日影生邊頭歲色覺崢嶸層巒氣割金天

爽遠寺聲添玉磬清梅向前村幾枝發月從今夜十

分明濟南想得詩家興七子篇章幾度成

右西山霽雪

一望蒼然是薊門密烟如織樹陰昏依微曉日扶桑

野搖蕩春風細柳屯濃淡巧成圖畫色栽培免被斧

斤痕百年已拱諸陵木夜夜聲悲望帝魂

右薊門烟樹

泉上分明不霽虹靈源一派出巖中

石間出螭龍吞吐

玉爭白

鑿石有螭頭泉從螭口出谷雜珮色蟠螭低昂花映紅

元時構芙蓉殿

此於石勢天寒華表柱銀河曉轉水晶宮可憐日夜縮

縮去萬折雖分必向東右玉泉垂虹

上元日呼韻

玉河孤館任愁憑天宇崢嶸一倍澄滿路笙歌徒聒耳寂寥誰慰影三朋

移居隆福寺

羈懷寂歷送年華
星駕無安髮雪加
始逐春風辭客館
又隨雲月宿僧家
他鄉殘柳愁邊嫩
故國寒梅夢裏花
想得薊州新酒熟
歸時准擬滿尊賒

曾從原隰咏皇華
羈繫殊方歲月加
吊淚未添文相廟
悲歌難訪酒人家
薊門何日看烟樹
堯率今宵對雨花
歸去欲尋終老地
青山無處不宜賒

呼韻

不用周車路指南
為憐君命尚能舍
行年屈指五旬五
佳節無心三月三
曾向野田閑咏鷺
晚來原隰悔驅騃
還家准擬辭簪組
叔夜應多七不堪

贈正使書狀要和

處處青歸楊柳繁
明朝使節發燕南
關河道里雖千萬
京洛親朋此四三
黃鶴白雲才子顥
青牛紫氣老君聃
洪厓誤落風塵久
海上雙鸞幾日驂

岸柳和烟翠欲繁
行人昨夜夢江南
殊方節物一春半
故國歸程千里三
奉使即今羞季札
從師何處問瞿聃
遠遊自覺浮生老
幾日還鄉卸客驂

次正使韻

悄坐虛齋伴阮咸
詩來忙手啓封緘
明朝將別蟠龍寺
宿路應經射虎巖
何處梅花隨玉蘂
可憐荷葉變

青衫剡中他日乘舟去無恙烟江一布帆

通州

粧點繁華大國容北來襟帶儘要衝雲開遠堞飛如雉日出長橋卧是龍米粟潛來紅腐積綺羅顏處紫烟重春風不識興亡事依舊樓臺柳色濃

薊州咏卧佛

擺脫跏趺一枕欹睡鄉天地覺來遲成何功德方舒膝拋却慈悲不皺眉禍福任他華胥夜興亡閱了黑甜時從今悔我勞形後歸卧家山學大師

豐潤

余於去時主谷韜臣家谷是富者盛脩杯盤
極待仍乞詩即成四韻贈之期以後會至是
未及谷家有年少輩數人引往他家重樓複
閣彌滿一洞即谷之兄一柱之家引路者即
一柱子弟也蓋韜臣之家有故而然杯酒之
盛鋪陳之羨不啻前日心甚疑之俄而以其
子之名和呈前贈其叔之詩而優於成篇使
之改成別韻亦能酬酢蓋北方翹楚始知款
待之意只在誇其能文求得我詩可笑

二月東風暖尚微行人猶未換春衣
劍埋古獄何年

掘酒熟新豐舊客歸家有珍苞砂果碧市通漁戶土
花肥今來更續曾題壁珍重心期且莫違

留山海關

山海蒼茫望裏開關門紫氣自何來徐達廟前春草
細孟姜祠下夜潮迴無人勸酒留行李到處題詩別
秀才主人王興宗官至同知者足蹴房錢雜物非但
不知勸酒舉措驚駭是日別胡秀才世培故及
之欲把音塵憑驛使江南何處一枝梅

謁顯忠廟

清高遺像憶宗臣第一關成第一人

天下第一關
徐達所創

當

日經營壯中國至今功德泣邊民碑文尚帶崇禎夏

碑石盡破只有崇禎十三歲事重回丙子春山海茫
年夏所重修碑一箇存
茫時代變欲尋陳跡已沾巾

東關途中

和夢征鞍鳥語聞異鄉時節屬東君海門濕霧仍吹
兩山店濃烟欲學雲地勢將窮青冀域天文尚見尾
箕分暮投野館悲笳動何處邊鴻怨失羣

寧遠衛

都司西北列諸屯

自此諸屯衛屬遼東都指揮司

此府要衝控塞門

衛號始於此最近京師

曾屬廣寧為附衛本廣寧前屯二衛也始從宣

德作雄藩

宣德三年始等城於此置衛

固邊往事雲無跡亡國餘

哀月有痕前度客來時節變春風吹淚過荒村

小凌河途中

到此傷心豈等閑杏山繞過又松山人烟國破家亡

後鬼燐天陰雨濕間公主嫁應斯路去錦林女此等處野合云

將軍死不故鄉還杏山之役將士戰歿無數驛夫未解沉吟意催

却征軒路轉艱

十三山途中

立馬大凌河水邊東南野色極蒼然斷雲欲作何山
雨晚日微明近海天歲儉村間多廢井春歸原隴少
耕田十三嵐翠開真面堪使詩人賦一篇

醫無閭

磅礴崑崙氣不收散爲靈岳護神州周家幽鎮超羣

望楚客微間作遠遊桂樹山宜招隱賦

前時賀欽桃隱居此山

花水隔逐春舟

山有桃花洞

曾聞此地丁仙化欲問遼陽

舊柱頭

小黑山

當時夷夏地形交經略邊籌浪自拋小黑山前皆廢

壘大黃旗外亦荒郊

大黃旗堡明日當過

空教使節年年過一

任柴扉處處敲垂老客中渾漫興舊詩多改伴燈抄

周流河別韻贈郭朝瑞

客淚驚春歧路旁
河流曲似九回腸
吳宮陳跡衣冠
露吳三桂稱以吳王故言其亡國燕市悲歌劍拂霜
海外知心台宿
遠天涯識面使星忙
東風千里還無力
吹送扁舟更杳茫

瀋陽

此行無處不悲傷
感淚難禁灑瀋陽
乘鶴暫來周太子
看羊幾老漢中郎
秋霜烈烈人稱節
春草萋萋客斷腸
青石嶺頭他日路
詎堪風雨更淒涼

遼東

貞觀何年伐不庭
至今陳跡驗輿經
浮圖石色雲端

白駐蹕山客海上青

白塔附造

安市城堅嘉節義魏

徵碑立惜精靈堪吟頡利逢移怒誇示除凶費勒銘

余到安陵權君敬持爲主倅李說之李警叔適

客遊此地關外尋逢便成勝集呼韻各賦

無端開外忽招邀四座圓圓度一宵當日寢郎豪氣
減少年同學壯圖銷行人跋履慙啣命傲吏思歸屨
折腰歌舞淹留天欲曙却愁星散望中遙

一路星輶太守邀笙歌幾處度良宵當辭北闕春纔
動及到西關雪欲銷梅蘂巧粧公主額柳條新學美
人腰偶逢知舊成佳會忘却家山夢裏遙

次順安鳳樓館李得甫韻

年光忽逐客愁新
繞別西關又別人
細草欲抽猶有雪
小梅初動不成春
敢言使者乘槎遠
自笑書生撫劍頻
暫請歌兒將進酒
一聲清唱繞梁塵

錦營錄

丙子五月以殿最事

諭局

除拜

湖西伯

同年

臘月

歸

將赴錦營辭

朝日與嶺伯李季泉崔汝和

李季心金子懷

洪福

會畿營聯句

二南觀察集畿營

泉

滿座佳賓搃月卿

和

地部杯盤

非草草

九都門車馬自轟轟

心

廣庭風動槐龍舞

九

前郭烟開出髻明

和

雲樹別懷雙玉節

宸

可堪回首

遠舍情泉

贈別洪士中萬選仍示諸使君要和

鶯花到處意先迷馬首青山日又西
節鉞幸臨湖右路池塘偏憶沔陽棲
詩筒半爲憂民廢酒榼多緣有客携
今夜相思何處是月明孤寺白雲低

沔川有別業故及之

次連山尹使君

世遇韻

閑歌午枕夢初回高閣虛窓信手開
別意依稀鳬鷺去詩情宛轉驛筒來
庭前雨長生孫竹欄外風搖結子梅
相見不須關禮數孺文常憶故人杯

次都事金天用

致龍韻

青山如畫護官居一鑑方塘映碧疏此地何年開水檻
先王當日住雲車餘香尚動風吹後嘉實將成
露冷初晉代枉稱蓮幕麗未聞從事富瓊琚

送李貲外仲剛

健命北還

連宵一雨大江平城上濃雲不放晴我適南來君北
去扁舟滿載別離情

送都事之京

羈懷寂歷解携遲可惜浮生合又離馬省郎僚曾幾
日熊津幙府亦多時柳邊客舍晴堪畫竹外行厨晚
更移永保臯蘭佳約在九秋良會莫差池

呈都事

飲餘還愧孺文天自擬樓居晚學仙
風外一林敲至竹雨中千柄量珠蓮
佳人惜別羅衽濕遠客催歸錦纜牽
江上朝來開活畫柳絲如夢草如烟

次韻贈別咸平李使君士常彥經南歸

雨後衝泥道路艱問君幾日發長安
風塵久殿霜臺冷江海何妨漂尉酸
已失高樓聯客枕須教明月照歸鞍
崇軒病後親朋少只待仙鳬此往還

九日巡到全義次東岳韻

斗縣依山小公庭晝不喧官寒漂陽尉
吏貽石壕村

對酒傾宜細攀花插愧繁民憂耿不寐悄坐待朝暾

忠州客舍次東岳韻

行盡湖西第幾州藥城秋色潤詩喉地分巨嶺通南
國天設雄藩鎮上流烟火萬家民物富絃歌四面土
風稠主人大姓君休問長笛猶傳舊倚樓

趙長卿爲
州牧故未

之句及

丹陽舟中次鳳棲樓東岳韻

客到二潭秋已晚滿山紅葉映朝曦峯懷玉筍班高
日橋憶丹丘羽化時長笛穿雲何處落歸舟遇石不
妨遲回頭更望烟霞洞半是新圖半是詩

文義客舍次東岳韻

峽邑巡繞遍今年又值荒職名難副實賑策愧無良
尚責征租急何甘飯稻香黃花秋已老虛負醉重陽
到報恩俗離登水晶峯與諸使君唱酬

小金剛是此山名磅礴元因造化成遠壑渾疑萬瀑
洞羅峯直似衆香城分符昔去仙遊足駐節今登俗
慮清到處主恩猶未報白頭愁絕望神京

暮還山寺更賦前韻

此地元來素擅名良朋不獨影三成無詩酒罰依金
谷有妓歌聲動石城暇日幽期九秋晚永宵佳興十

分清文在龜石知何處恍惚身如在王京

還營後次寒碧樓韻送趙寡悔敏行

系出箕城數盛門少年聲價富詞源風雲不是留心
緒霜雪居然著髮痕自有仙緣窮別界肯教豪氣老
荒村羸驂又欲家山去問子何時畢嫁昏

瑞山御風樓次壁上韻

郡齋西畔小池塘纔到登臨去又忙幾處樓臺當薄
暮一秋風雨過重陽山嵐逼座琴尊潤海氣侵人笑
語涼千載孤雲無處問至今仙迹舊桐鄉

沔川伴月樓聽簫次壁上韻

節旄榮動丈夫官看盡滄洲處處山錦石秋花粧點
好樵歌牧笛畫圖難接因候月時堪上門爲觀潮夜
莫關風景縱饒民事急愧吾無術救飢寒

到大興次洪奉事

萬宗韻贈趙佐郎泰老

漢原家世甲三韓年少新來器宇寬昨日湖城驚忽
遇今宵客舍喜重歡黃花晚香猶烈丹桂婆娑影
未安官酒留人琴語遠不知風露濕衣寒

次前韻

平生自恨局東韓湖外誰知世界寬放浪蓋緣吾輩
得喧呼須盡此宵歡成都禮數推嚴武滕閣文章擅

子安末路誠難開口笑莫嫌簾額透輕寒

和沃川崔使君汝久錫恒寄韻

曾陪赤舄到村廬玉節銀臺共駐車半枕忽成千里
別一陽仍帶數行書故人將有杯搏飲傲吏堪容禮
法疎莫怪郵筒留宿債邇來棠閣少公餘

曾與久令訪明谷相

公同話

次贈俞士安定基無寄俞文甫

豆陵南畔境蕭然端合幽人寄食眠歸去不愁無樂
土耕耘只願有豐年消融冰雪溪聲遠粧點茅茨樹
影圓莫道閑中無伴侶清風明月在樽前

次連山使君韻

新春令節過中元
月色燈光映戟門
仲舉不懸今夜榻
孺文還對故人樽
使君醉懶詩箋寫
官妓愁遲舞袖翻
忽見雪花堪引興
一舟來去莫嫌煩

宣化堂聯句

次川崔汝久公牧
趙直甫持正來

日日親朋送我行

九

悠悠離合捻多情

直

芳醪似海

隨春暖蠟燭如掾
盡夜明九無復蘭陵
酬絕唱即看棠
舍播仁聲久經年
佐幙今將別直驛
樹官梅暗恨

生九

次前韻

柳絲無力客催行杯酒他鄉去住情禮數尚慚嚴僕
射文章敢比左丘明余以貶目浮誇飛來不散孤雲
影何處遙傳一籟聲爲報篙師須進棹大江氷泮水
初生

天教物色挽吾行到底江山摠有情按察欲還春是
伴使君來訪月初明幸同坡老成三影休唱陽關第
二聲聞說山公方啓事莫忘芝曲老書生

次宣化堂東岳韻

陰陰夏木與天然時有鍾聲自遠庵一水古今浮積
氣四山朝暮送晴嵐羅王割據城池在聖祖中興

父老談荒歲恐孤方面責細傾官酒不曾酣

拱北樓次西壩柳公韻

鷄嶽秋雲傍馬頭偶隨旌節到公州南巡
玉氣今雙樹北望臣心此一樓
迥枕漫漫長路走平臨滾滾
大江流興來落筆酬前債
奇絕男兒特地遊

次韻別諸使君

客愁還與日暉舒欲伴青春興有餘
南去慣乘金井馬北歸應憶錦江魚
酒詩自是愁中廢歌舞元來病裏
踈竟夕喧呼忘禮數不妨臨別更
携裾

咏木川柳老人小池石假山

柳宿交輝月一潭何來拳石自成嵐
華山新割臺中九神島繞移海上三
已識智仁從爾樂莫將真假與人談
雲開半腹峯巒秀解遣詩翁倦發騷

壺隱集卷之二

壺隱集卷之三目錄

詩

酬唱錄

咏傳

與李善鳴鳳朝會洪叅議柱國竹里館聯句

次聯句韻

王連環壇次洪文韻

沈監司攸水明樓次座中韻

偶吟

次泛壺亭韻

次趙成卿聖期梅詩并小序

答寄采侄山堂詩

和趙成卿

慶源遍歸後與善鳴會吟

呼韻

與善鳴金聲仲鏜夜話聯句

和呈尹高城坪

趙令叔聖考宴席醉後走筆以賀

次韻贈別朴教官大叔鏜

答寄燕京各一柱

寄郭朝瑞

與金伯謙盛達偶會 秦陵齋舍

寄趙叔平相槩

和呈趙叔平李善鳴案下

貞陵齋郎姜亨叔聖復一日邀我觀水石而時
余病不敢出是日與吳貫之金子懷梁一卿
聖揆聯轡出門呼韻聯句

又與貫之子懷一卿往 貞齋舍姪禹翹亦以
貞郎同到轉向孫家庄李季泉追及與之觀
瀑

江亭九日與貫之漫吟寄趙子直相愚

貫之家夜話

又

和貫之韻

戊寅六月初三日委進永湖訪右相明谷崔公
適值領左柳尹兩相徐判府在座不得入見
留詩二絕仍向龍山

其後與子直貫之鄭遠卿道微自漢江乘舟再

訪

次樂泉相公琵琶潭亭南壺谷題咏韻

嫂氏周甲日貫之李士常宋質甫徵殷來會先

唱聯句

贈貫之

與子直兄弟李進吾整季泉聯枕叙話

用前韻寄貫之

次城南咏雪韻

又

騎省呼韻

和徐廣文夢良韻

和趙叔平韻

送行錄

贈舍姪禹協昌原之行戒酒詩五十句

送書狀李季泉赴燕

送從兄赴北青任所

送柳起之赴東萊

送朴休卿赴穩城

送趙德而赴龍岡

會李文叔寅炳家呼韻得花字送德而

王堂夜集次東溟韻送北評事李仲剛

送李仲先壁之燕

送申公獻之燕

送金司諫演赴燕

贈副使李察議弘迪

城東餞席與汝和貫之李治甫會宋漢卿昌金
子昂斗明聯句送子直赴松都

又用別韻

送從弟日進受漸赴鍾城

次孫家庄韻送姜亨叔之洪陽

送從兄赴松都

留守從兄辭

陞之日出宿于堂姪禹瑞家有

絲管口占二律命諸姪和之

追寄永柔使君吳保卿命峻

送副使柳起之赴燕

送茂朱洪使君汝廓萬恢

送李春叔東菴赴江界

送楊口柳使君長龍

留別元命汝赴愁州

送沈承宣坪奉命之首陽

送宋都事宅相之北幕

送通川黃使君鎮

別李叅判世載赴燕

送丹陽使君洪士中

相挽錄

挽宋承旨時詰

明聖王后挽

挽拙修齋趙成卿

安嬪李氏挽

挽李白川景畧檇

挽沈監司權

挽朴南平世標

挽醒齋申相國翼相

挽李平仲泰朝

挽李洪州世龜

挽洪翰林重益

挽閔金浦周昌

挽李僉知維聯

挽沈稷山漱

挽韓正郎後望

次鄭谷讀李白詩韻挽李君繩芳宜繩

挽申判書汝哲

挽李善鳴

挽邊汝厚光載

仁顯王后挽

挽李判書世華

挽人

挽西坡吳貫之

挽許同知續

挽李相國世白

挽李判書玄錫

挽徐同知文縉

挽李監司德成

壺隱集卷之三目錄

壺隱集卷之三

酬唱錄

咏博

兒時作

飲博將軍宴北城
乘秋健卒事橫行
塵清大道車無跡
令肅轅門馬不鳴
肯使葛苔驅鄭士
任教談笑却秦兵
昆陽犀象俄然散
惟見包戈倒一營

與李善鳴鳳朝會洪叅議柱國竹里館聯句

閑雲度水鳥投林
洪丈檻外潮聲爽客心
鳴一棹清江來訪處也知幽興勝山陰
九

次聯句韻五首

辛勤過水又穿林湖上丈人知我心
歸卧西樓猶醉宿曉來松月滿庭陰

幽居寂寞似山林江海風流亦古心
人事任他多變幻獨憐脩竹尚清陰

清夢時時到禁林江湖白髮戀君心
何來急雨催詩過頭上雲猶不放陰

岸上依依是竹林誰家樓檻俯江心
一尊酒盡人歸去浦口潮生落日陰

籬依沙岸屋依林三處西湖一樣心
時把小尊相對穩江流滾滾樹陰陰

王連環體次洪丈韻

石逕吟鞭信馬垂山如肩聳畫中奇可憐湖上今來地也有尊前舊會期月色政堪書字照火光遙認釣舡移多君靜裏塵機息心內輸贏付局碁

沈監司攸水明樓次座中韻

湖海清遊天不慳一樽良晤解愁顏浮榮盡付形骸外豪氣相看笑語間俗眼任他隨處白秋花猶自近人斑柴門送罷江村暮好帶前峯月色還

偶吟四首

垂柳陰濃旭日明曉來鶯語喚新晴東隣詩老閑無

事殘夢時驚落子聲

位育神功賴 聖明範圍天地順陰晴小臣幸免須
吏死猶作新詩替頌聲

幽居蕭灑似淵明山入疎簾滴晚晴爲是知音難可
遇素琴何害本無聲

半歌烏角鬢霜明藥圃携鋤小雨晴
龜句圍碁猶覺懶卧聽兒輩讀書聲

次泛虛亭韻

宋參判光淵
杏洲亭舍

對君疑是上君亭聽說亭臨水鏡明
犯斗星槎雲外影步虛霞珮月中聲
境無風浪舟常泛人似神仙地

即平時下曲欄簾拂綆一肩高處釣絲輕

次趙成卿

聖英梅詩七首并序

余於今春病寒杜門殆閱累箇月忽一日舍
姪禹采袖拙修堂趙成卿詠梅詩二十首示
余求和蓋成卿之意也病蟄以來神思索然
僅次二首塞責矣其後見成卿書甚以為草
草勤懇之意終不可孤又次二韻仍成別韻

三首

花神餉我不曾疑開遍寒梅南北枝
入夜祇言殘雪在有風還覺暗香隨
若逢西子羞相似肯向東風怨

不知一種嬋娟天剗借笑他桃李揔開遲

偷得天機早著花玉肌元不御鉛華枝枝雪壓孤芳
冷步步香生一逕斜惆悵爲誰臨驛路等閑無主傍
漁家知君病後憐消瘦詠入新詩向我誇

雪作踈枝玉作英水仙多意讓爲兄歲寒獨保孤根
暖世濁方知一節清蘭佩解來春淡薄梨花夢罷月
分明風流自有西湖客放鶴亭前幾送迎

玉立亭亭出衆芳誰教剪刻巧能粧春來未改平生
瘦風打猶留到死香自是凝肌如白雪非緣換骨服
玄霜晴窓好對橫斜影絕勝天花散道場

却除雕飾任天然特地幽芳淡淡妍歲暮貞心共
雙月明寒影伴胎仙較他公主粧成後愁殺胡兒
遠
弄先驛使不來春欲去江南消息寄何緣

膚雪肌冰分外清百花頭上見梅兄香傳隔岸魂應
返影近巡簷笑欲迎鄒律不須吹有力楚騷何必怨
無情明朝約伴尋春去預向江村喚麴生

前村昨夜垂垂發殘雪未消看可疑饒笑態凝先放
藥無言意在未開枝麝臍自有渾身襲蝶夢何曾半
面窺最是畫圖難寫處黃昏微月十分奇

答寄采姪山堂詩韻

見汝詩清新鍊熟大異平昔無乃登覽之富已得江

山之助耶
次韻以賀

離懷漸苦索居時又值炎天積雨垂才子此行如得
助老夫相見敢辭遲蟠龍寺裏蘓仙句落鴈峯頭謝
眺詩他日奚囊珠玉富不煩誇示我先知

和趙成卿二首

春去堂堂亦可憐繁陰滿地日如年青梅始結晴窓
子黃鳥初驚午榻眠欲喚孔方尋酒社忽看明月自
詩仙風牆陣馬追難及糠粃何曾敢在前

知君習氣最堪憐少日猖狂到壯年宗匠曾推文苑
會風流誰喚酒家眠柳枝放後身如釋瓊液嘗來骨

欲仙惟有一般清意味任他芳草滿庭前

慶源適歸後與善鳴會吟

邊城九月似嚴冬
虐雪凜風到處逢
飲客帳中樽泛
蟻觀兵江上
劍騰龍生還已老
班都護引去何慙那
曼容吾輩但當開口笑
無情休說九疑峯

呼韻二首

出塞歌仍入塞歌
天寒嶺路北風多
燕山始擬銘留
石魚海終孤劍洗
波舊客還家時
晚晚故人携酒夜
經過東城復續騷
壇會猶勝匡城擁綺羅

短歌歌罷復長歌
詩興如何此夜多
春着梅魂微帶

雪天教月魄漸舒波東城物色尊前醉北路繁華夢裏過若有親朋來問我勿云門外雀堪羅

與善鳴金聲仲鏗夜話聯句

舊客還歸卽舊堂半庭殘雪北風涼九星離二載曾分袂劍合今宵共對床鳴秉燭相看如夢寐開尊爛醉討心腸聲還疑城郭遠了返共說關山海戍長九龍氣千年膽沛邑狼烟一點認羶鄉鳴防胡計策驚神鬼鎮塞戈鋌耀雪霜聲大陸胡鷹驅羽族長楸妓馬騁戎裝九萍逢却忘身千里弧矢曾期志四方鳴淮海壯遊同太史玉門生入類班郎聲重看黃菊籬

邊老舊賜彤弓橐裏藏九久別每傷音信阻相逢却
訝髮毛蒼鳴人間勝集成三影地底玄機返一陽聲
略具盃盤謀婦室遠遊篇什索奚囊九靜看玉局憐
宵永暗數瓊籤怕曉忙鳴老去風流猶跌宕談來意
氣更清狂聲星堂已用歐陽律石鼎仍追道士章九
松爲客來傾翠蓋梅因臘近動清香鳴浮生此會誠
難得須記茲遊誓不忘聲

和呈尹高城坪三首

鬱鬱羈懷祗在腔有才無命孰爲雙十年黃卷燈廬
岳三日藍袍夢曲江老去清談君自健興來佳句我

當降半生做得知何事傲吏功名百里邦

平生中散未爲慵文史東方足用冬不向王庭才大
展枉從科第業專攻消人未識千金駿豐獄空埋兩
劍龍仙境一麾償宿債海亭秋月正陽鐘

高城物色即仙家吏隱風流世以華蓬島月明棲鶴
樹桃源春泛引漁花尋幽客到亭孤迥覓句僧歸還
轉斜擬向前峯一回首俯看滄海湧金鴉

趙令叔聖考宴席醉後走筆以賀

壽筭人間八十強名園一宴屬新涼榮生太守斑衣
上興在佳姬錦瑟傍勝日莫辭千日醉明年又舉萬

年觴喧呼少長留歡處不覺東方有月光

次韻贈別朴教官大叔鐸

士之爲貴不虛名所學還違壯欲行荒逕却疑陶靖
節冷官猶似鄭先生池荷澗草牽幽興海月山雲起
遠情憐我西遊長路在一尊相別到天明

夷虜曾無問姓名不才何事有燕行北庭奉使非蘇
子南海稱臣愧陸生末路行藏難任性中年散聚易
關情朋知慰我茲遊遠相送柴門月色明

答寄燕京谷一柱

余於乙亥奉使赴燕過豐潤寄宿谷韜臣家

主人求詩曰吾雖不能解詩有兄能詩者其
名一柱歸時訪一柱家止宿前日所留詩篇
次韻來示仍數次相和矣丁丑冬因奏請使
明谷崔公還一柱寄詩作此送之

酒熟新豐夜淹留倦客情歸時初識面去日已聞名
別後浮天夢詩來擲地聲墨卿資滌翰應復擅雄鳴

寄郭朝瑞

余於奉使時過周流河遇郭朝瑞贈詩來時
亦有所贈矣因崔相國之行作詩寄送

系出汾陽代有人如何老作謫來身曾因台府聞名

久偶駐輶輶識面新
潛水移居知幾日
周河惜別
前春題封子墨遙相贈
須添柔毫寄札頻

與金伯謙盛達偶會 泰陵齋舍

鰲頭當日訪幽期
異境依稀夢亦疑
斷崖孤村塵外
趣淡烟疎雨畫中詩
分留物色應無恙
邂逅風流尚
不疎偶向山齋淹
一夜強將盃酒解
携遲

寄趙叔平相槩

少年常待文人流
到老居然共白頭
每羨弟兄棠棣
詠還無叔姪竹林遊
劉蕡才大難登第
趙嘏詩高播
倚樓湖右關西俱
遠別歲寒風雪索居愁

和呈趙叔平李善鳴案下

同時二子撿風流卿相功名擬黑頭
抱負中牟成漢落清狂末路任遨遊
寬窄掘雙龍劍大手方知五鳳樓
節序駸駸入卧病陽生一線更添愁

貞陵齋郎姜亨叔聖復一日邀我觀水石
而時余病不敢出是日與吳貫之金子懷梁一卿聖
揆聯鞭出門呼韻聯句

晚出東門步步遲九巖蹊隨處住
筇宜溪流雨許前宵漲貫藏色雲
添特地奇清賞不須繚與竹懷勝遊
端合畫簫詩山中此日文星聚一
臨別丁寧卜後期

又與貫之子懷一卿往 貞齋舍姪禹翊亦以
貞郎同到轉向孫家庄李季泉追及與之觀瀑
武陵流水更來尋我欲窮源到轉深嶺底濕雲龍卧
洞巖邊落日鹿眠林謝公蠟屐蒼苔滑摩詰仙庄綠
樹陰前後風烟渾一致每逢佳處洗塵心

江亭九日與貫之漫吟寄趙子直

相遇

天教門黜任偷閑日月風雲簸弄間屈子生涯夕餐
菊孟嘉吟嘯晚登山潮聲乍動舟移浦魚隊爭游網
集灣最是重陽逢又別不堪湖外道途艱

貫之家夜話

病夫扶杖訪隣居半夜清談勝讀書殘雪精神餘
映閃小梅消息暗香疎淳風已遠嗟生晚吾道難容欲
遂初聞說湖中風景好俗離蒼翠近何如

又

君今欲作酒游人故舊情深至誠申天獄囚星從此
日王言在壁記前春悔猶不及如成病害必終成解
誤身何似醒來神氣會讀書清夜到鷄晨

和貫之韻

半載投閑分所宜時從水部撚吟髭洪崖拍手堪爲

笑吳衍休盃未必癡好鳥送音清案牘濕雲如雨潤
琴碁文園病後渾無興懷緒偏多近別離

戊寅六月初三日委進水湖訪右相明谷崔公
適值領左柳尹兩相徐判府在座不得入見留
詩二絕仍向龍山

三公來在此江山擣散難容一席間不是子猷幽興
盡今來不見故人還

蕭然一棹下龍山回首仙樓縹緲間莫恠到門題鳳
去他時更待月明還

其後與子直貫之鄭遠卿道微自漢江乘舟再

訪

高卧人如偃蹇山不知身在是非間江湖暫領閑風
月何況親朋數往還

次藥泉相公琵琶潭亭南壺谷題咏韻

望隆舟楫濟商川台輔遙離御座邊瑟海行吟何
歲月琵琶潭歸卧尚風烟國恩珍重酬無地世界寬
閑樂有天此去終南知不遠一眉蒼翠見悠然

嫂氏周甲日貫之李士常宋質甫微殷來會先
唱聯句

水部堂中鶴髮親重回花甲即庚辰九千盃絡繹傳

芳酒四座團圓簇好賓貫細雨初過金氣動涼風乍
拂彩衣新質平生知舊升堂誼壽祝崗陵賀意均常

贈貫之

匪怒還爲教君恩欲死酬曾聞麴神餞忽報酒星囚
孟蟻興全滅乃蛇病不憂東城昨夜雨水石可尋幽
與子直兄弟李進吾臺李泉聯枕叙話

燃盡華堂燭幾條吾儕此會豈寥寥朝廷氣象羣龍
集湖海風流五馬驕梅發先春供客賞孟傳過夏鑒
官醪不須守歲渾無寐歡謔何妨度一宵

用前韻寄貫之

江上誰尋路一條
柴扉盡日掩寥寥
憂愁晚景形全
搞強屈平生氣尚
驕雷豈無心催起
蟄梅應饒笑斷
持醪華堂燃燭明
簪盞安得斯人共
此宵

次城南咏雪韻

昨夜長安大雪晴
瓊瑤世界眼偏明
飄搖色妬梅魂
返皎潔寒侵桂魄
生郢客高吟知寡
和濟樓佳句孰
先鳴閑來取水移
茶鼎絕勝羔兒酒
盞傾

又

凍雪陰陰歲欲終
寒侵瘦骨酒無功
梅從昨夜幾枝
放月與遠天一色
空老去交情肝膽
裏坐來和氣笑

談中明朝更約故人會家住洛陽東復東

騎省呼韻

崇朝一雨晚來晴殿閣微風陣陣輕笑我二毛淹馬
省憐君萬里豁鵬程天教際會歸吾輩地接深嚴荷
聖明院柳池蓮徒物色愛看葵藿向陽傾

和徐廣文夢良韻

南州高士已曾聞偶接芳隣一識君相對胸襟無芥
滯始交談笑若蘭薰才當教育存三樂學有工夫勉
十分數束蠶牋何足謝愛看詩句靄如雲

和趙叔平韻

大報壇
祭後述懷親

往事偏傷我 聖明擬看中土穢氛晴日沉崖海嗟
何世歲返渚灘愧此生大義緬追誠自切精裡敬設
禮奚輕千秋烈士摧心地夜月冬青壯字聲

送行錄

贈舍姪禹協昌原之行戒酒詩五十句

家兄早歿世有子吾有侄二郎知必做芝蘭漸看茁
白眉最精悍小少氣發越欲鳴馬武劍早投班生筆
由來文與武及其成功一趨舍亦天定丙科幸已決
微官罪忽罹 聖主寬猶活常期壯鎖鑰豈知受玉
玦海南萬里途了然携家室摻手荒郊晚吞聲不忍

訣歸來獨閉戶歎息懷鬱結悔教覓桑蓬有時狂欲
出飛騰自有時更步雲路濶幸免瘕曠誅官位亦清
絕一朝典雄府榮光分外溢廐吏來已久五馬今當
發長安尚早春大嶺猶殘雪計程夢亦遙幾日可得
達臨歧耿耿懷爲汝申申說汝常有病痛胡爲耽麴
蘖遙想羨赴地官釀清且烈性豪業所嗜崇飲誰禁
遏倘不一刀斷明時爲棄物我言出肝腑聞來豈全
恕人心本無定造次有出沒親朋邂逅時使賓逢迎
日黽勉強把杯羨味甘如蜜相與勸更進自然豪興
逸舉止易喪儀喜怒寧中節濡首義戒深及亂聖訓

切因此或債事汝罪難擢髮非徒飲時害飲後常多
渴渴則輒飲冷仍成水土疾狂藥既戕賊扁鵲那施
術天獄酒星囚盤根利器別武夫居官道尤宜身皎
潔猾吏嚴管束窮民務仁恤春秋叅釋采朔望行望
闕看書趁訟息鍊卒俟農歇糶糶量及時捧錢詳計
月悔亡閑有家內外須嚴截爲政莫好名名乃實於
實做事莫太剗剗則必有折寬猛貴相濟要思治蜀
葛茂績若騰聞璽褒應增秩况汝常人殊與國同存
歿前途尚遠期下邑元非屈復恐辛勤戒還向杯中
失重言不知止聊以短句述丁寧斷飲事一一報書

札

送書狀李季泉赴燕

專對才兼諫諍姿中間黜陟揔恩私
剴方不爲雷霆屈忠信應令蠻貊知
華表千年悲往事仙槎八月候
歸期忽思嶺外成三會存沒餘懷倍惜離

送從兄赴北青任所

藥泉南領相竄慶興公以
獻納力爭天怒甚嚴特

補北青且有人面黜
心之教故及之

君非黜心者乃是鳥之徒鳴即朝陽鳳飛仍葉縣鳧
白沙曾謫地青海此長途不下當筵淚吾儕亦丈夫
送柳起之赴東萊

萊州近日難其人
妙簡銀臺出納臣
不是聖明輕
內職暫教威望鎮
傍隣鵬溟地濶扶桑界
馬島天分
析木津歸去杜遊詩律富
摘雲梅雪搃精神

送朴休卿赴穩城

爲君重賦遠遊篇
中歲離懷倍黯然
忽憶危舟窮出
日始知平路在
摩天貂蟬異渥超
遷地烏鳥私情喜
懼年笛裏梅花吹
落盡驛亭消息有
誰傳

送趙德而赴龍岡三首

欲作離聲恨滿腔
人間出處苦難雙
仙鳬影落黃龍
國沙鳥盟寒白馬
江迹屈外除知計
得願仲便養覺

心降茲行况慰嬋媛望聞說新安近是邦

瑞寧離恨尚纏腔鳬鳥西飛又作雙莫歎羣居遠阮
蒼須看喜色動廬江棲遑不憚茲行遠岷肆何由此
氣降十月雷聲喧昨夜不知誰是任經邦
臘前飛雪動梅腔坐想飄飄皂蓋雙今夜正留弘濟
院幾時能渡大同江寂寥懷抱憑詩遣磊魂宵襟借
酒降多暇莫忘僧孺戒繁華從古擅吾邦

會李文叔

寅死

家呼韻得花字送德而二首

一尊來醉故人家離別餘懷感物華無力赤憎留客
雨有情偏愛到窓花北從窮塞身全老西出陽關路

幾斜差羨板輿臨縣日滿前官妓髻如鴉
醒來不識是誰家客在離筵月欲華虛閣此宵添漏
箭旅窓何處伴燈花悲歌惜暮壺全缺短律和愁字
半斜萬里青雲嗟失路上抹難借一枝鴉

玉堂夜集次東溟韻送北評事李仲剛

吏部少年鬚未生還吟塞下從軍行男兒已覺遠遊
興故舊莫言傷別情日暮狼烟迷古戍夜深鯨浪撼
孤城知君進退同憂國幕裏春醪且細傾

送李仲先雙之燕

貧別無由慰遠徂星軺去去向燕都
華入閩姪尊仙

李殊俗知名問大蘇第一開開看渤海成雙節立祀
灤湖想君感慨難排遣薊酒猶堪滿眼沽

送申公獻之燕

荒絕單于國雍容使者車應知大宗伯來自小中華
河水清難待渚灘迫可嗟試看天下勢畢竟是誰家

送金司諫演赴燕

尚憶先公杖節年此行何事又遼燕漢家繒帛無虛
歲秦地山河入醉天灤浦月明沙似雪薊門秋盡樹
如烟君歸我去俱王事何處逢場是別筵

贈副使李察議弘迪

每年輸漢幣長路是燕山地部今持節天時舊閉關
事殊洪武聘辭繼牧翁嫺男子斯遊壯離愁莫上顏

城東餞席與汝和貫之李治甫會宋漢卿昌金

子昂

斗明

聯句送子直赴松都

偶然偷暇即離筵和正是城東紅雨天治晚景分司

同白傳直殊方遠役亦堪仙貫保釐行見民情悅漢

專對應須使事全昂路有邇遐均是別九臨盃不覺

意茫然和

又用別韻二首

一盃相屬更移茵西出應知少故人留客仍憐留好

月送君無惜送餘春麗都舊迹松聲暮謝郡清詩草
色新聞說仙山觀瀑壯竹筇他日躡行塵

桃花落盡草如茵傷別俱為暮境人松岳霸圖成一
夢竹橋臣節照千春官方自是分司舊政績應須令
尹新聞說鹽州且隣近聖恩還許續音塵

送從弟日進

受漸

赴鍾城

二首

爲客愁州度幾宵至今綠業未全消尊前舊習傾桑
落籬裏邊聲怨柳條髣髴易凋長路險夢魂難到故
山遙丈夫本自輕離別一笑臨歧贈繞朝

山齋勝會屬前宵洞府春深雪半消白日荊花方儘

帶青門楊柳忽攀條
壯元喫着爲官淺
都護功名出塞遙
開路極天頭欲皓
漫漫相憶在明朝

次孫家庄韻送姜亨叔之洪陽

何處鄉關匹馬尋
葛洪川畔亂峯深
清蟬咽咽晴啼樹
倦鳥飛飛暮返林
垂釣子能思渭水
放船吾欲向山陰
遙憐湖上三更月
應照壺中一片心

送從兄赴松都

西門重寄在分司
金帶新榮責保釐
松嶺抵今收霸氣
竹橋何處閱英姿
治民更用伊州法
教士先移國子規
春草池塘知有夢
別來應長謝家詩

留守從兄辭 陞之夕出宿于堂姪禹瑞家有
絲管口占二律命諸姪和之

哀絲豪竹雜華筵垂老偏知別意牽洞裏流觴尋舊
俗橋邊吹簫問真仙聯床風雨同蘇子夢草池塘類
惠連明日高陽無酒伴更斟一盞到尊前

多福吾兄賀此筵不須臨路別衣牽蘭芽並茁皆賢
子花甲重回是老仙暮境宦情同潞國少年琴譜學
成連於斯歌哭還如夢危涕那堪落語前

追寄永柔使君吳保卿

命峻

曾侍 龍顏泮水堂盛名先賀壯元郎立朝內外無

輕重較日君親有短長
琴鶴伴行堪吏隱
筍魚登饌
恩光玉樓
總結歌應徹
樂府新翻
問幾章

送副使柳起之赴燕

天下傷心送客亭
每年冠蓋出王庭
金莖影裏輪
卿月柳宿光中仰
使星杏店到來驚
海黑遼陽過
盡山青衝寒遠役須珍重
險路驅馳我亦經

送茂朱洪使君汝廓

萬恢

黃梅雨後動微涼
送子南遊別意長
慣聽鳳簫仍舊
氣暫飛鳬鳥亦仙鄉
赤城官府烟霞古
丹浦人家
草香索裊枯棊無怪石勝他琴鶴伴行裝

送李春叔

東麓

赴江界

狄踰禿魯國西陸男子奇遊出塞知獵野戲看馳馬
妓隔江頻見射雕兒元非直道明時屈爲是通才到
處宜招帳此行何所贈水曹多病廢吟詩

送楊口柳使君

長龍

飛鳳山圍曲水流官居如斗境清幽郡名何代稱楊
麓太守今來似柳州印輒封閑苔欲涵魚堪鱸細雪
應羞他時正擬尋真去許我參醪一盞不

留別元命汝赴越州

臨歧莫慙解携遲我輩俱非少壯時羗蘧梅花和月

落漢關榆葉未秋衰將軍獵罷腥留劍都護歌成爽
入詩道是愁州還是樂宦遊窮塞亦男兒

送沈承宣

拜奉

命之首陽

璇題

御筆遠頒宣近侍初辭尺五天廟貌曾瞻灤
水上洞名今見海山前即知寶墨千金重堪與清風
萬古傳到處君恩遊賞足行看八詠播新篇

送宋都事

宅相

之北幕

豐沛名都傍海開本州從事輟霜臺檄書舊說陳琳
手詞賦今推宋玉才末路是非蠻久戰故園消息鴈
遲來北歸正向先春望男子心應倚劍摧

送通川黃使君鎮

耽水耽山也不饒使君仙分迥超凡楸池大勢雄撐
拄叢石奇形巧刻劖官是佩魚還似釋州稱有蟹且
無監他時點檢同庚會倍憶都門挽客衫

別李叅判世載赴燕

向來威望動西關虜若聞名膽亦寒縱把金縢事獫
鷲應教鼎呂重邯鄲少時不省茲遊遠垂老方知此
別難天道盈虛元是理君看大歲在涪灘

送丹陽使君洪士中

水部星郎紫馬乘萬山蒼翠一江澄鳳棲樓覺丹丘

近羽化橋疑白日昇封印滿文公牒息鍊砂和液壽
觴凝仙臺弭節留餘債又送洪崖此路登

相挽錄

挽宋承旨

時詰

代李父作

差池生並世惟我一年多質朴三朝老躬行萬石家
封章論議緊把酒笑談和會見門容駟曾逢歲在蛇
青山埋玉痛白首叩盆歌遽瑗心方化淮陽病轉加
旅魂悲嶺樹歸櫬咽江波獨有羊曇淚西州不忍過
明聖王后挽

舊說沙崩瑞今聞玉墮祥來嬪同摯女

嗣聖即文

王襲禮仍家訓含章類地光想應彤管記千載緒芳

神功歸保護一紀御長秋不待簾帷政能除社稷憂
外親干澤絕內帑省徭優高后稱堯舜當時有此不
曾當憂有疾勞苦毋心慈露立虔祈日天方默佑
時周滕體罔害漢鏡慟難追倏爾三春過憑誰奉王
卮

遺教爭傳頌憂勤古所稀崇崗仍舊隧大練見陳衣
自愧荒詞拙難摹聖德輝十年再敦匠無淚更堪
揮

挽拙修齋趙成卿

不出門前地于今四十霜乾坤大眼目風月好詩章
鶴瘦猶堪唳梅寒也自香傷心倚樓處長筵轉淒涼

安嬪李氏挽

代人

承恩孝廟大王朝閱了悲歡七袞高淚盡姮娥蟾
殿閉魂随美玉鳳簫遙香殘像想姍姍影星在依倚
肅肅宵揭厲延波皆聖念九原應泣奠儀饒

挽李白川景略

懽

看君磊落一男奇天馬騰騰不受韉長者風儀名祖
繼童年氣象相公知纔聞捫虱談猶壯誰料騎鯨迹

已非惆悵郡符違抱負世間惟有百篇詩

挽沈監司

權

天真雅度笑談中如玉其人更飭躬父有佳兒傳玉
署孫生聖女配青宮險艱閱目資增益富貴當頭
見挹冲怙悵短期違遠到召南空詠憇崇風

挽朴南平

世標

作宰南州雪滿簷門闌喜並主恩深賢兄宅近依
荆樹令姪官隣宛竹林仙竈忽成句漏藥扁舟未載
樂天琴薛家餘慶留三鳳堪慰泉臺不昧心

挽醒齋申相國

翼相

天爲吾邦徽降申皎然金玉即其人特書有法周良
史守節難回漢直臣公議逡巡居鼎萬民情想望盡
經綸傷心東洛追陪地獨樂園空又一春

挽李平仲

泰朝

一任清真絕點塵每憐今世有斯人擬將大雅追先
祖強做微官爲老親金榜未消羅隱恨石田無賴鄭
虔貧後來徼福猶堪慰諸子如龍半八荀

挽李洪州

世龜

江上幽人素履貞半生隨分此心亨醇姿近道何須
勉偉範傳家自有成常悔諫官名惹得但教荒政學

能行欲知容駟門間大看取兒郎吏部榮

挽洪翰林重益

王立人無一點塵世間三十有三春監袍色動看花
客香案恩濃秉筆臣共說洪崖曾降謫正陪蕭史更
歸真攀輶不見妻兒哭誰慰門間暮倚親

挽閔金浦周昌

金陵太守遽云亡欲說平生莽自傷一日聲輝魚點
額暮年哀怨鴈摧行口爲碑刻留三邑掌有珠聯見
二郎江漢秋風丹旆遠薤歌淒淒不成章

挽李僉知維聯

系出璿源福履綏令孫仍復繼佳兒銀臺仙迹今如
夢金榜魁名喜亦悲老鶴形癯添壽筭華貂色暎
恩慈脩然一夜聊乘化來去人間拚順時

挽沈稷山

融

懷璞伊人只自奇十年猶着舊麻衣郢歌高調已難
和蜀道長篇賀獨知宦似陶潛方覺是年當遽瑗始
知非夜臺一夜文星入應有孤墳桂落時

挽韓正郎

後堊

一識荊州夙願償每憐窮鬼伴行裝飛騰賦激凌雲
氣抹掇官終應宿郎試問疑年多絳縣即看才子牛

高陽那堪杖屨曾尋地江上孤村掩草堂

次鄭谷讀李白詩韻挽李君繩弓

宜繩三首中只抄一

知君骨相稟金星李謫仙人也復生今古詩魂鯨背醉江南月色爲誰明

挽申判書

汝哲

維嶽生申望實俱業承名祖有規模中年節制兼三道半夜危疑佩六符雅度開樽延揖客威聲折箠憎狂胡河魁晦彩軍容慘聖主悲深速奪吾

挽李善鳴

三世文章舊有名惜君胡不善其鳴飛飛孤鳳無隣

歎啞啞啼鳥反哺誠將大門問子定國謾傳詩句謝
宣城中間萋斐非臣罪終始陶甄荷主明壽考何
能同老子精神歟已返長庚蘭摧此日嗟何劇桂落
他年恨始平可忍歛衣仍彩服更憐卑秩即丹旌一
生知己升堂客淚墮哀猿夜夜聲

挽邊汝厚

光載

霞谷先生舊隱淪雲孫傑出典刑真姓同文禮追詞
艷名慕橫渠仰道醇接物雍容閑氣度驚人灑落美
風神雖稱韋布非寒士若置巖廊是偉人蟾窟夢跡
丹桂月鵲原淚盡紫荆春重回花甲才經歲相對芝

眉若隔晨千古幾洋誰我友半生瓜葛失姻親憐君
一子元非少生五男兒搃席珍

仁顯王后挽二首

祥膺兩曜夢中偕毓慶名門襲訓佳 北極配尊資
聖化 東朝盡孝慰慈懷德如元敬年何嗇制倣
長陵禮卽諧玉冊奎章藏大隧仁聲千載未應埋
徽猷益著險艱經天道回旋地復寧禮創未遑朝
太室恩逾已出擁前星玉攔何處花催信金鼎當時
藥爽靈寶寫篆文臣豈敢恭攀節惠淚和銘

挽李判書世華

台扉望逼是浮榮樹立方知板蕩誠風雨撼時山岳
鎮雷霆過後日星明歸陪天上長秋馭聚哭門前太
學生忠烈祠堂芬苾地大名長與二賢并

挽人

錦水逢迎作主人十年樽酒故情親桑弧生並敦牂
歲蓬榜名聯已酉春故著漢庭分竹日病添梁獄上
書宸慈闈不識存亡事獨倚門聞望子頻

挽西坡吳貫之

楸老世稱賢相公後孫傑出號神童談言一發江河
決眼目偏高宇宙空直氣森嚴章奏上褒襟坦率酒

杯中大篇刮去歐蘇陋佳句耽偷李杜工獨立肯嫌
千衆怒曲全終荷念孤忠空門衣鉢文衡主玉帳韜
鈴大將風崖謫經年悲桂樹楚招何處怨蘭茝黔袞
歛日貧何病范櫬回時夢亦通可惜精誠難見暴竟
無哀詔許崇終九泉齋志無齋恨欲倩巫陽訴上穹

挽許同知纘

巴陵世族甲三韓先生秀出形貌端先生不知何許
人雲夢胸中錦繡肝飄飄不受塵半點靄靄常留和
一團讀書曾效大方家三峽詞源動波瀾賦就汪洋
追子虛詩成敏捷似建安俯視人間少知己郢歌一

曲和皆難射策幾舍劉蕡寃為官晚帶鄭虔寒振衣
始有從師意我時成童未戴冠教育人才君子樂稷
下遺風今再看陶甄磨琢多成器北溟往往鷗鵬搏
分憂命德揔虛名歸去田園興已闌膝擁金章點曾
玄滿庭玉樹交芝蘭重榜年回幾人存靈光無恙人
爭觀達人高致誰得知少欲之家福自完大年常期
撫銅狄上帝如何下玉棺能教子弟盡趨庭及見兒
孫自做官文星壽星入夜臺百歲光陰指一彈他時
正有鄉賢祠何處重陪詩老壇提撕面命蒙養功銘
鏤心肝至老殘孤負酬恩此路隔十里緘辭淚未乾

挽李相國世白

清白承家律已嚴大臣風采四方瞻
包容量似婁師德進退憂同范仲淹
病祟殫勞違報答恩從釋負副冲謙
星槎舊客驚存沒門館淒涼淚袖霑

挽李判書玄錫

曾聞士類主恩嘉閱盡風波毀譽多
軒冕五聯都御史文章獨數大方家
春秋筆在皇明紀天地詩留聖痘歌
追憶節符相換處嶺南寒碧夢中賒

挽徐同知文縉

少年投筆謝儒林感慨封侯萬里心
膽氣向來弓挽

石功名老去帶橫金
樞庭藥裹閑中檢
海鎮樓船夢裏尋
未返瀕陽稀壽盡
獨攀歸櫬淚盈襟

挽李監司

德成

少年曾謁晚堂前
知子羈孤我最憐
血淚共添荆樹影
哀情輒掩蓼莪篇
名駒墮地思千里
雄劍磨硎費十年
造物不孤勤苦志
青雲有路即通天

威行圻幕戢奸回
足踐薇垣與栢臺
時論已多推雅望
天心欲使展宏才
每游到處恢恢刃
常對歸家鬱鬱槐
福祿已完如假壽
更期名位可躋台

字體如雲既杳茫
看君筆勢古難方
長留獻寢龜碑

刻似勝昭陵蠶紙藏持節心輕嚴武別歸舟夢覺巨
卿亡知非自號真言識半有光陰倏已忙

宣陽集卷之三



